





Акафист Святителю Луке,
исповеднику, архиепископу
Крымскому



**Акафист
Святителю Луке,
исповеднику,
архиепископу Крымскому**

Екатеринбург 2012 г.

A decorative border consisting of a repeating pattern of small, stylized floral or geometric motifs, arranged in a rectangular frame around the central text.

На обложке - икона Святителя Луки
из храма во имя святителя
исповедника Луки г. Екатеринбурга

Кондак 1

Возбранный Святителю Церкви Православныя и исповедниче, возсиявый стране нашей в земле Крымстей, яко светозарное светило, добре потрудивыйся и за имя Христово гонение претерпевый, прославляюще прославльшаго тя Господа, даровавшаго нам тебе новаго молитвенника и помощника, похвальное воспеваем ти пение: ты же, яко имеяй велие дерзновение ко Владыце небесе и земли, от всяких недугов душевных и телесных свободи нас и добре стояти в Православии укрепи, да вси во умилении зовем Ти:

Радуйся, Святителю Крымский исповедниче Луко, врачу благий и милостивый.

Икос 1

Ангелов собеседниче и человекоев наставниче, Луко преславный, подобно Евангелисту и Апостолу Луке, емуже тезоименитый, от Бога дар целити недуги человеческия приял еси, во врачевании болезней ближних, многия труды подъемля, и, плоть нося, о плоти нерадел еси, дела добрыми

Отца Небеснаго прославил еси. Темже благодарне во умилении зовем ти:

Радуйся, от юности разум свой игу Христову покоривый;

радуйся, пречестное Святыя Троицы селение бывый.

Радуйся, блаженство милостивых, по слову Господа, унаследовавый;

радуйся, верою Христовою и знанием благодарованным многия недужныя исцеливый.

Радуйся, страждущих недугами телесными врачу милосердный;

радуйся, во дни брани вождей и воинов исцелителю.

Радуйся, всех врачей наставниче;

радуйся, скорый в нуждах и скорбех сущим помощниче.

Радуйся, Церкви Православныя утверждение;

радуйся, земли нашея озарение.

Радуйся, крымския паствы похвало;

радуйся, града Симферополя украшение.

Радуйся, Святителю Крымский исповедниче Луко, врачу благий и милостивый.

Кондак 2

Видя в человецех во время врачеваний, аки в зеркале, премудрость и славу Творца всяческих Бога, к Нему Духом выну возносился еси, богомудре, светом же бого-разумия твоего и нас озари, да вопием купно с тобою: Аллилуия.

Икос 2

Разум твой Божественными ученьми просветил еси, Луко всеславне, отвергнув всяко плотское мудрование, с разумом же и волю повинул еси Господеви. Подобен Апостолом быв, тии бо по слову Христову: "Грядите по Мне, и сотворю вы ловца человеком" оставиша вся и по Нем идоша, и ты, святе, услышав зовущаго тя на служение Господа Иисуса чрез раба Своего архиепископа Ташкентского Иннокентия абие приемлеша священство в Церкви Православней. Сего ради, яко богомудраго наставника, тя ублажающе, воспеваем сице:

Радуйся, Ангела Хранителя увеселение;
радуйся, яко того николиже опечалил еси.

Радуйся, во учении преспевавый и тем мудрецы мира сего удививый;

радуйся, от творящих беззаконие уклонивыйся.

Радуйся, Божия Премудрости созерцателю и проповедниче;

радуйся, истиннаго богословия златословесный учителю.

Радуйся, апостольских преданий блюстителю;

радуйся, свеще, Богом возженная, мрак нечестия разгоняющая.

Радуйся, звездо, путь ко спасению показующая;

радуйся, Православия ревнителю.

Радуйся, раскольников обличителю;

радуйся, свидений и оправданий Господних возжадавый.

Радуйся, Святителю Крымский исповедниче Луко, врачу благий и милостивый.

Кондак 3

Силою благодати Божия, еще во временней жизни приял еси дар, святе Луко, недуги целити, да вси, усердно притекающие к

тебе недугов телесных и паче душевных исцеления сподобляются, вопия Богу: Аллилуия.

Икос 3

Имея неусыпное попечение о спасении душ, вверенных тебе от Бога, Луко блаженне, пастырски к душеспасительной жизни, и словом и самым делом непрестанноставляя еси. Сего ради прими от нашего усердия достойныя похвалы тебе:

Радуйся, Божия разуме исполненный;
радуйся, благодатию Духа Святаго преосененный.

Радуйся, нищеты Христовы подражателю;

радуйся, пастырю добрый, уклоняющихся от веры Православныя и блуждающих по горам суетумудрия, взыскавый.

Радуйся, делателю винограда Христова, чад Божиих укрепляяй в истинной вере Православной;

радуйся, щите, защищаяй благочестие.

Радуйся, непоколебимое Православия основание;

радуйся, твердый каменю веры.

Радуйся, душепагубного неверия и злоторного обновленчества обличителю и искоренителю;

радуйся, в делании духовнем подвизающихся мудрый укрепителю.

Радуйся, от мира изгнанным пристанища тихаго указателю;

радуйся, яко приим крест Христу последовал еси.

Радуйся, Святителю Крымский исповедниче Луко, врачу благий и милостивый.

Кондак 4

Бурю внутрь имея помышлений многих, недоумеваше раб Божий, что речет о нем Господь, егда проразумеваху его достойна быти епископом граду Ташкенту: обаче всего себе Христу Богу предаде, Тому о всем благодарение возсылая, зовый:

"Благословен Бог, изливаяй благодать Свою на архиереи Своя". И поя Ему: Аллилуия.

Икос 4

Слышавше людие Православнии, в гонении сущии, о благоплодных добротах души твоея, богоносе Луко, и видеша на степени святительства, яко достойный сосуд Божественныя благодати, вся немощная врачующая и оскудевающая восполняющая, дивятся чудному промыслению Бога о тебе и приносят ти сицевая благохваления:

Радуйся, Архиерею, от Самого Господа пронареченный;

радуйся и в надписании книги твоея сан епископа тебе предуказавый.

Радуйся, иерархов украшение;

радуйся, пастырю добрый, яко готов был еси душу твою положить за овцы своя словесныя.

Радуйся, многосветлый Церкви светильниче;

радуйся, Апостолов сопричастниче.

Радуйся, исповедников украшение;

радуйся, о себе попечение всякое отвергий.

Радуйся, скорбей утолителю;

радуйся, о людских невежествиих печальниче.

Радуйся, искавших спасения правым
учением оглашавый;

радуйся, житием твоим сего учения не
посрамивый.

Радуйся, Святителю Крымский исповед-
ниче Луко, врачу благий и милостивый.

Кондак 5

Боготочною кровию от вечныя смерти ис-
купленныя соблюдая, егда сан епископа в
дни страшных гонений по благословению
святаго Патриарха Тихона от рук епископов
Православных приял еси, Святителю Луко,
дело благовестника добре сотворил еси, об-
личая, запрещая, умоляя, со всяким долго-
терпением и учением, и поя Богу: Аллилу-
ия.

Икос 5

Видевше Ангельстии чинове великия
твоя подвиги, егда по заповеди Господней:
"Блажени изгнани правды ради: яко тех есть
Царствие Небесное", в крепости сердечней
безропотно понесл еси заточение и изгнание
в Сибирь за имя Господа и святую Церковь

Христову, терпением велиим устроая свое спасение, примером же своим верных души назидая. Мы же тя усердно любовию почитающе чествуем похвалами сими:

Радуйся, светильниче на свещнице церковнем поставленный;

радуйся, яко слово Писания: "Любы долготерпит", на тебе оправдася.

Радуйся, защищати тя верным воспретивый;

радуйся, влаstem повинувыйся и сего ради волею в руки воинов нощию предавыйся.

Радуйся, клеветы неправедных судей уничиженный;

радуйся, в заточение со смирением безропотно шедый.

Радуйся, из управляемья тобой Ташкентския епархии правды ради изганный;

радуйся, верными оплаканный.

Радуйся, за Господа Распятого изъязвленный и заушенный;

радуйся, уста лживых неверов заградивый.

Радуйся, праведными устами небесныя истины и в изгнании вещавый;

радуйся, яко мученицы на небесех о тер-

терпении твоём ликоваху.

Радуйся, Святителю Крымский исповедниче Луко, врачу благий и милостивый.

Кондак 6

Проповедник немолчный тайны Пресвятыя, Единосущныя и Неразделимыя Троицы был еси и в темнице, и во градах сибирского изгнания, терпя глад, мраз северныя страны и жестокость клеветов безбожных. Сего ради проповедует Церковь Крымская величия Божия явленныя на тебе, Святителю Луко, яко приял еси дар целити недуги душевныя и телесныя и в стране изгнания, да вси единым сердцем и едиными усты воспеваем Богу: Аллилуия.

Икос 6

Возсиял еси, яко звезда лучезарная, красноярстей пастве и тамбовстей, озаряя души верных и разгоняя тьму нечестия и безбожия. И исполнишася на тебе слова Христовы: "Блажени есте, егда поносят вам, и ижденут, и рекут всяк зол глагол на вы лжуще,

Мене ради". Ты же, гонимый из града во град и клеветы терпя, архипастырское служение усердне исполнял и сладостию писаний твоих насыщал вся алчущия и жаждущия правды, иже благодарне взывают тебе:

Радуйся, наставниче всех к небеси представляяй;

радуйся, славы Божией истинный ревнителю.

Радуйся, воине Христов непобедимый; радуйся, за Христа Господа темницы и биения терпевый.

Радуйся, смирения Его истинный подражателю;

радуйся, вместилище Духа Святаго.

Радуйся, вшедый с мудрыми в радость Господа твоего;

радуйся, корыстолюбия обличителю.

Радуйся, пагубу тщеславия показавый;

радуйся, беззаконники ко обращению призывавый.

Радуйся, имже сатана посрамися;

радуйся, имже Христос прославися.

Радуйся, Святителю Крымский исповедниче Луко, врачу благий и милостивый.

Кондак 7

Хотя достойно совершити подвиг, возложенный на тя от Бога, облеклся еси во вся оружия Божия и стал на брань противу миродержителей века сего, духовом злобы поднебесным, препоясав чресла своя истинною и облекшись в броню правды, угасил, исповедниче Луко, вся стрелы лукаваго, поя Содетелю и Богу: Аллилуия.

Икос 7

Новое гонение воздвиже беззаконных человек и безбожных на Церковь Православную и в дальнюю таежную глубину угнаша тя, святителю Луко, и близ смерти быв, рукою Божиею сохранен, взывал с Павлом Апостолом: "До нынешнего часа и алчем, и жаждем, и наготуем, и страждем, и скитаемся... Гоними, терпим: якоже отреби миру быхом, всем поправление доселе". Сего ради, ведуще таковая, ублажаем тя:

Радуйся, исповедниче Христов блаженный;

радуйся, мраз лютый претерпевый.

Радуйся, близ смерти бывый, Господом
сохраненный;

радуйся, самоотвержение всецелое пока-
завый.

Радуйся, уневестивый душу твою Жени-
ху Христу;

радуйся, Господа распятого на Кресте
присно пред собою предзревай.

Радуйся, во бдениих и молитвах неослаб-
но пребывав еси;

радуйся, Единосущныя Троицы истин-
ный ревнителю.

Радуйся, скорый от всякия болезни без-
мездный врачу;

радуйся, ломотныя и опухлыя уврачева-
вый.

Радуйся, от неисцельныя гнойныя болез-
ни костей и ран здрави возставивый;

радуйся, яко верою твоею и трудами вра-
чевными расслабленнии исцелеша.

Радуйся, Святителю Крымский исповед-
ниче Луко, врачу благий и милостивый.

Кондак 8

Странник во юдоли земней быв, терпе-
ния, воздержания и чистоты образ показал

еси, исповедниче Луко. Любовь евангельскую явил еси, егда отечество в опасности от нашествия иноплеменник пребываше, деннонощно во врачевнице трудился, исцеляя недуги и раны вождей и воинов отечества земнаго, непамятозлобием и любовью удивляя всех творящих ти напасти и многия сим обратил ко Христу во еже пети Ему: Аллилуия.

Икос 8

Весь исполнь любве Христовы, Луко благосерде, душу твою полагал еси за други твоя, и яко Ангел Хранитель присущ был еси ближним и дальним, озлобленная укрощая, враждующия примиряя и спасение всем устрояя. Поминая труды твоя во благо людей отечествия твоего, благодарне взываем ти:

Радуйся, дивную любовь ко отечеству земному показавый;

радуйся, смирения и незлобия учителю.

Радуйся, изгнание и жестокия муки мумудренно претерпевый;

радуйся, за Христа пострадавый и мучимый.

Радуйся, твердо Его исповедавый;
радуйся, з лобу врагов любовью Христо-
вою победивый.

Радуйся, отче благосердный, взыскавый
спасения многих;

радуйся, яко великими скорбями был ис-
кушаем.

Радуйся, в гонениях терпение дивное
явивый;

радуйся, яко за враги умолял еси Госпо-
да.

Радуйся, егоже любовь победи всяку
вражду;

радуйся, егоже незлобие покори жесто-
кия сердца.

Радуйся, Святителю Крымский исповед-
ниче Луко, врачу благий и милостивый.

Кондак 9

Всем был еси вся, якоже и святой Павел,
да всяко некия спасеши, святителю Луко,
архипастырский подвиг совершая в тамбов-
стем крае, многими труды храмы обновляя
и созидаая, Уставы Святоотеческия строго
соблюдая, спасению паствы твояе послужити

престал еси, чисто Богови поюще: Аллилуия.

Икос 9

Витии человечестии не возмогут по достоянию изрещи твоих благодеяний множество, егда явился на Крымстей земли, яко отец чадолюбивый, Святителю отче Луко. Щедродательная бо десница твоя всюду досязаше. Мы же благосердию твоему подражати хотяще, во удивлении взываем к тебе:

Радуйся, лучу любви Божия;
радуйся, сокровище милосердия Спасова неисточимое.

Радуйся, яко вся своя неимушим раздавал еси;

радуйся, ближняя твоя паче себе возлюбивый.

Радуйся, безматерних сирот питателю и окормителю;

радуйся, беспомощных старцев и стариц попечителю.

Радуйся, яко болящия и в темнице заключенныя посещал еси;

радуйся, яко нужды бедных предварял в

различных местах отечества своего.

Радуйся, яко нищия поминая, обеды им устроял еси;

радуйся, яко коемуждо в горестех, аки Ангел утешитель являлся еси.

Радуйся, Ангеле земный и человече небесный;

радуйся, яко о глубине милосердия твоего Мати Божия возрадовася.

Радуйся, Святителю Крымский исповедниче Луко, врачу благий и милостивый.

Кондак 10

Спасению крымския паствы твояе служити многолетне не престал по образу пастыреначальника Христа на рамах заблудшее взем естество Богу и Отцу привел еси. Божиим бо милосердием утешая, ко исправлению жития словесы учительными твоими влекл еси вся, во еже сердцем чистым пети Богу: Аллилуия.

Икос 10

Царя Небеснаго Христа Бога верный служителю быв, Святителю отче Луко, неустан

но возвещал слово истины во всех храмах земли нашае Таврическаго, душеспасительною пищею чения евангельскаго верных чада научая и Устав Церковный строго исполняти повелевая. Темже ты, яко пастыря добраго, сице прославляем:

Радуйся, неутомимый проповедниче правды евангельския;

радуйся, яко Богом врученное тебе стадо словесное добре пасый.

Радуйся, яко овцы своя словесныя от душегубных волков охранявый;

радуйся, чина церковнаго строгий блюстителю.

Радуйся, чистоты веры Православныя охранителю;

радуйся, тобою бо Дух Святыи написа слова спасительныя.

Радуйся, яко тайну богословия о душе, душе и теле явил еси нам;

радуйся, яко слово твое, аки в ризы пошланы, тайны веры одеяшася.

Радуйся, молние, гордыню низлагающая; радуйся, гrome, беззаконно живущия устрашая.

Радуйся, церковнаго благочестия насади-

телю;

радуйся, Архипастырю, пастыри духовныи наставляяй и вразумляяй непрестанно.

Радуйся, Святителю Крымский исповедниче Луко, врачу благий и милостивый.

Кондак 11

Пение у гроба твоего, угодниче Божий, не умолкаше во днех блаженного успения твоего. Мнози бо ведяху тя богоносна и равноангельна суца собирашася от всех предел земнаго твоего отечества совершити соборное моление о душе твоей восходящая в горния обители отечества небеснаго, воспевая и поя Богу: Аллилуия.

Икос 11

Свеща еси в церкви Христовой, горящая невещественным светом благодати Божией был еси, Святителю Луко, вся концы земли наша озаряя. Егда же приспе время отшествия твоего, Божественнии Ангели прияша святую душу твою, и в небесныя обители вознесоша. Темже, поминающе блаженное

успение и велие твое на небеси и на земли
прославление, с радостью приносим ти благохваления сия:

Радуйся, светильниче немеркнувший Света Невечерняго;

радуйся, яко мнози прославиша чрез твои добрая дела Отца Небеснаго.

Радуйся, яко свет добрых дел твоих просветился пред человеки;

радуйся, житием твоим праведным Богу угодивый.

Радуйся, угодниче Божий, течение благочестне скончавый;

радуйся, веру, надежду и любви от Господа стяжавый.

Радуйся, со Христом, Его же возлюбил еси, на веки соединивыйся;

радуйся, Царствия Небеснаго и славы вечныя наследниче.

Радуйся, Архиерею, от вечного Архиерея Христа благодатными дарами исполненный;

радуйся, скорый помощниче призывающим тя.

Радуйся, земли Крымския новое светило и утверждение;

радуйся, рода христианского благодатный покровителю.

Радуйся, Святителю Крымский исповедниче Луко, врачу благий и милостивый.

Кондак 12

Благодать Свыше ти данную познавше, благоговейно лобызаем честнаго лика твоего изображение, Святителю Луко, чающе тобою получитьи просимое от Бога. Темже припадая ко святым мощем твоим со умилением молим тя: укрепи нас добре стояти в вере Православней и угождающе благими делы немолчно пети Богу: Аллилуиа.

Икос 12

Поюще Бога, дивнаго во святых Своих, хвалим тя, Христова исповедника, Святителя и предстателя пред Господем. Весь бо еси в вышних, но и нижних не оставляеши, Святителю отче Луко, присно со Христом царствуеши и о нас грешных пред Престолом Божиим ходатайствуеши. Сего ради во умилении зовем ти:

Радуйся, света неприступнаго зрителю;
радуйся, звездо лучезарная, над землею
нашею возсиявшая.

Радуйся, емуже сорадуются Ангелы, и о
нем же веселятся человецы;
радуйся, научивый заповедем Христовым
и сотворивый я.

Радуйся, яко достоин явился еси Цар-
ствия Небеснаго;
радуйся, путем исповедничества райских
селений достигший.

Радуйся, поношения Христа ради терпев-
ый и вечную с Ним славу приявый;
радуйся, души наша к Царствию Небес-
ному путеводай.

Радуйся, предстателю пред Престолом
Божиим за нас грешных;
радуйся, Православия похвало и земли
нашея радование.

Радуйся, в сонме святых быти сподоби-
выйся;
радуйся, Собору всех Крымских святых
сопричастниче.

Радуйся, Святителю Крымский исповед-
ниче Луко, врачу благий и милостивый.

Кондак 13

О великий и преславный угодниче Божий, Святителю отче наш Луко, приими сие похвальное пение от нас недостойных, обаче с любовью сыновнею тебе приносимое. Предстательством твоим у Престола Божия и молитвами твоими всех нас в вере Православней и добрых делех утверди. От всяких бед, скорбей, болезней и напастей в сей жизни находящих сохрани, от мучений в Будущем веце избави. И сподоби в вечней жизни купно с тобою и со всеми святыми пети Творцу нашему: Аллилуия.

*(Сей Кондак читается трижды.
А по сем читается Икос 1 и Кондак 1)*

Молитва ко Святителю Луке, исповеднику, архиепископу Крымскому

О всеблаженный исповедниче, Святителю отче наш Луко, великий угодниче Христов! Со умилением преклоньше колена сердец наших, и припадая к раце честных и многоцелебных мощей твоих, якоже чада отца молим тя всеусердно: услыши нас грешных и принеси молитву нашу к милостивому и человеколюбцу Богу, Емуже ты ныне в радости святых и с лики ангел предстоиши. Веруем бо, яко ты любиши ны тою же любовию еюже вся ближния возлюбил еси, пребывая на земле.

Испроси у Христа Бога нашего да утвердит во Святей Своей Православней Церкви дух правыя веры и благочестия: пастырям Ея да даст святую ревность и попечение о спасении вверенных им людей: право верующия соблюдать, слабыя и немощныя в вере укрепляти, неведущия наставляти, противная обличати. Всем нам подай дар

коемуждо благопотребен, и вся яже к жизни временней и к вечному спасению полезная. Градов наших утверждение, земли плодоносие, от града и пагубы избавление. Скорбящим утешение, недугующим исцеление, заблудшим на путь истины возвращение, родителем благословение, чадом в страхе Господнем воспитание и научение, сирым и убогим помощь и заступление.

подаждь нам всем твое архипастырское и святое благословение, да тобою осеняеми избавимся от козней лукавого и избежем всякия вражды и нестроений, ересей и расколов.

Даруй нам богоугодно преити поприще временной жизни, настави нас на путь ведущий в селение праведных, избави нас воздушных мытарств и моли о нас всесильнаго Бога, да в вечней жизни с тобою непрестанно славим Отца и Сына и Святаго Духа, Емуже подобает всякая слава, честь и держава во веки веков. Аминь.

Тропарь

Святителю Луке, глас 1:

Возвестителю пути спасительного, исповедниче и архипастырю Крымския земли, истинный хранителю отеческих преданий, столпе непоколебимый, Православия наставниче, врачу богомудрый, Святителю Луко, Христа Спаса непрестанно моли веру непоколебиму православным даровати и спасение, и велию милость.

Кондак, глас 1:

Якоже звезда всесветлая, добродетельми сияющи, был еси Святителю, душу же равноангельну сотворил, сего ради Святительства саном почетея, во изгнании же от безбожных много пострадал и непоколебим верою пребыв, врачебною мудростию многия исцелил еси. Темже ныне честное тело твое, от земленных недр обретенное дивно Господь прослави, да вси вернии вопием Ти: радуйся, отче Святителю Луко, земли Крымстей похвало и утверждение.

Построим вместе храм свт. Луки!

Община во имя святителя исповедника Луки (Войно-Ясенецкого) собирает средства на строительство храма.

Торжественная закладка камня в основание храма, которую совершил Архиепископ Екатеринбургский и Верхотурский Викентий, состоялась 11 июня 2011 года, в день 50-летия преставления святителя исповедника Луки.

На сегодняшний день заложен фундамент будущего храма, построен цокольный этаж, стены храма поднялись на трехметровую высоту, работа продолжается.

Строительство ведется в основном на средства прихожан, нет постоянного источника финансирования.

В связи с этим, мы обращаемся к Вам за помощью и надеемся, что благодаря Вашему участию будет построен храм во имя святителя и исповедника Луки.

Одним из способов пожертвования на храм может быть покупка «именного кирпичика». Пожертвование на кирпичик – это не только Ваша жертва на строительство храма, но и сугубая (усиленная) молитва за того, чье имя указано при пожертвовании.



Приобрести именной кирпичик можно в церковном киоске нашего прихода или сделать перевод на карту **Сбербанка РФ**
Maestro номер 6761 9600 0340 055517
(дата окончания 02.14)



Сумма пожертвования за один
именной кирпичик - на Ваше усмотрение,
минимальное пожертвование - 100 руб.

Направьте к нам Ваше имя и почтовый
адрес, и мы обязательно вышлем Вам
Свидетельство о пожертвовании.

**Любая помощь будет принята с
благодарностью!**

Новости, видео и фоторепортажи о ходе
строительных работ смотрите на сайте
нашего храма

www.sv-luka.prihod.ru

Приход во имя святителя
и исповедника Луки (Войно-Ясенецкого)
620007, г. Екатеринбург, ул. Карельская, 52
тел.: (343) 236-31-07;
электронпочта: lukahram@yandex.ru



Храм святителя и исповедника Луки
г. Екатеринбург, ул. Карельская, 52
тел.: (343) 236-31-07; www.sv-luka.prihod.ru